

38
DISCOVRS
SVR LE TRAITE'
DE SOISSONS.



A PARIS,

Chez JEAN BRUNET, rue saint Germain, au
trois Pigeons, proche la porte de Paris.

M. D. C. XIV.

RAY C. G. H. I.
THE NEW YORK

AND 102 3rd Case
F
39
326

1647d




THE NEW YORK
LIBRARY
1647d



DISCOVRS

SVR LE TRAICTE DE

SOISSONS.

 E qu'est la fleur à vn corps, le don
à vn edifice, la peste à vne ville, la
guerre euile, c'est à vn Estat. C'est
la source de toutes confusions, de
toutes desolations, & le comble de toutes
sortes de malheurs. Les prophanations des
autels, les demolitions des Eglises, les incen-
dies, les meurtres, les raiuissemens, les briga-
dages, les trahisôs, sôt les symptomes ordi-
naires de ceste pernicieuse maladie. On ne
parle de la pieté parmy les armes qu'avec
blaspheme, de la iustice qu'avec irreueren-
ce, de la Vertu qu'avec moquerie & mel-
pris. Ce qui est vice en vn autre temps, de-
vient coustume en celuy là, & puis Loy.
Tout s'y corrompt, tout s'y desbauche,
tout s'y peruerit. N'en cherchons point
des exemples dans les hystoires estrange-
res, ny dans les aages passez. Nous ne
l'auons helas: nous ne l'auons que trop à
nos despens resenty sur la fin du dernier
siecle, durant ces longs & funestes tren-

bles, qui debifferent & affoiblirent tellement ce Royaume, autrefois le plus puissant de la Chrestienté, qu'à peine commençoit-il maintenant à se remettre, & à recouurer apres tant de perilleuses secousses & conuulsions, avec la guerison entiere de ses playes, sa vigueur & beauté premiere. Car les fautes ne se reparent pas si aysement qu'elles se font, il s'en faut beaucoup; à peine vingt annees de profonde paix peuuent elles bien souuent redresser ce que six mois de guerre auront renuersé. C'est pourquoy la Reyne, Princesse également sage & debonnaire, preuoyant prudemment les maux & les inconueniens qu'une recheute pourroit apporter à vn corps nouuellement releué de maladie, & craignant que ces bruits du mescontentement de Messieurs les Princes retirez à Mezieres n'excitassent durant la minorité du Roy son fils, quelques mauuaises & corrompues humeurs dans l'Estat, s'il n'y estoit de bonne heure pourueu, a tasché dès qu'elle en a esté aduertie, d'y remedier par tous moyens conuenables à son autorité, le plus promptement qu'il luy a esté possible, pour composer

doucelement ces esmotions naissantes, & coupper chemin aux factions & calamitez dont ceste grande conionction de Planetes nous menaçoit. Sa responce à la lettre de Monsieur le Prince, tesmoigne clairement à ceux qui l'ont veüe, que sa Majesté beaucoup plus soigneuse de la tranquillité publique, que de son autorité particuliere, n'a rien en plus singuliere recommandation, que le bien public, le repos du peuple, la conseruation de la paix, & la restauration du Royaume. A laquelle iugeant tresbien qu'il n'y a rien de si contraire que la guerre, elle a par la sage conduite & entremise de ceux qu'elle a enuoyez vers luy à Soissons, tellemēt moderé toutes choses, que nous auōs maintenant en toutes façons beaucoup plus de subiect d'esperer que de craindre. Car toutes ces compagnies de gēdarmes qui couuroiēt des-jà la cāpagne, n'attendēt qv'un cōmandement de part & d'autre de se retirer; tres-heureuses premices d'une vraye & sincere reünion, telle que la souhaitent tous les gens de bien. Encore n'est-ce pas tout. Car sa Majesté estimant que c'estoit fort peu d'allegger, ou d'oster le mal, si

elle ne le coupoit tout a faict à la racine,
 s'est resoluë d'aduancer la conuocati-
 on des Estats generaux proiettee il y a
 long temps, pour y retrancher vne fois
 pour toutes, par vne bonne & serieuse re-
 formation de l'Estat, les causes ou les pre-
 textes de semblables remuëments à l'adue-
 nir. En quoy faisant elle a ietté les fonde-
 mens d'une longue & heureuse paix dans
 le Royaume, qui fortifié par le loin de sa
 Majesté de tres-grandes & puissantes al-
 liances au dehors, n'a besoin au dedans
 que d'un peu plus de reglement & d'ordre
 en certaines choses deprauees par la lon-
 gueur & malice du temps. Car nous ne
 pouuons nier qu'il n'y ayt des abus & de-
 lordres parmy nous. C'est la condition
 commune des choses humaines, de n'estre
 iamais tellement accomplies qu'il ne s'y
 mesle tousiours quelque tare ou imperfe-
 ction. Par tout ou il ya des hommes, il y
 a des defauts. Ce que nous osons dire
 d'autant plus librement, que nous scauons
 sa Majesté l'aduier elle mesme, avec be-
 aucoup de regret de n'y pouuoir aussi
 promptement mettre ordre qu'elle desire-
 roit. Car comme les corps humains, ainsi

7
les politiques, ont des saisons propres à la
purgation, lesquelles si on ne choisit bien
à propos, les remedes pour doux & excel-
lents qu'ils soient d'ailleurs, sont non seule-
ment inutiles, mais quelquefois domma-
geables à la santé. Il y a quelquefois des
considerations pour lesquelles les habiles
& experts Medecins entretiennent quelque
fluxion ou humeur peccante dans vn corps
discrasie, mesme par fois vne fièvre. Tou-
tes choses ont leur temps & leur lieu. Il ne
faut donc point douter qu'aussi tost que la
disposition des affaires du Roy des-jà pro-
che de maiorité le permettra, elle qui n'a
iamais eu autre but que la grandeur & felici-
té de ce Royaume duquel elle manie à
ceste heure heureusement le timon, ne re-
cherche toutes sortes de moyens pour
donner aux gens de bien le contentement
de ceste reformation si longuement desi-
ree. Ce qui ne se pouuant mieux faire que
par vne ouuerture des Estats generaux as-
semblez soubz l'authorité souveraine,
nous deuons tenir pour tout assurez qu'il
ne tiendra point à cela, que la France re-
purgée de toutes ses mauuaises & virulen-
tes humeurs, ne reprene dans peu de temps

avec son embonpoint, son ancienne splen-
 deur & dignité. Elle s'en est tousiours
 bien trouuee, autant de fois que la neces-
 sité des occurrences en a fait prendre le
 conseil à nos peres. Ne doutons nulle-
 ment que si nous y apportons la mesme sin-
 cerité qu'eux, nous n'en tirions le mesme
 fruit. Car c'est là que les plaintes & re-
 monstrances des subiects sont proposees
 avec vne egale reuerence & liberté à ceux
 auxquels seuls appartient d'y donner or-
 dre, & faire droit. C'est là que se descou-
 urent les playes & les maladies del'Estat, &
 que s'y appliquent les remedes & appareils
 necessaires. C'est là, en vn mot, ou se
 puisent dans le commun aduis des plus no-
 tables personages de tous les ordres, les
 conseils plus salutaires & plus propres
 pour remettre toutes choses en leur ordre.
 Si Monsieur le Prince & ceux qui l'ont
 fuiuy, trouuent quelque chose à redire en
 la conduite & l'administration des affai-
 res, comme ils ont des-jà declare par leurs
 manifestes & leurs lettres, la prerogatiue
 de leurs naissances & dignitez leur y don-
 nera soubz la protection & l'authorité du
 Roy toute liberté de le représenter avec
 l'honneur

l'honneur & le respect accoustumé. Ils y
 tiendront les plus honorables rangs & y se-
 ront les premiers escoutés. Nul ne leur
 peut refuser, ne leur peut debattre ce
 droict. Et nous nous asseurons tellement
 de l'equite de leurs Maiestés, qu'ils seront
 cōtraincts d'auoier eux mesmes auant que
 s'en retirer, que ceste voye la, cōme la plus
 honorable, est aussi la plus seure & la plus
 aisee pour paruenir au but qu'ils se sont
 proposés. Car de s'imaginer que jamais
 ils eussent obtenu par la force, ce qu'ils y
 pourront gagner par la raison, s'y presen-
 tans selon leur deuoir, avec la soubmission
 & reuerence tres-humble deue au souue-
 rain, ien n'estime point qu'il y en ayt aucun
 d'entre eux qui des vintquatre heures du
 iour, se le puisse faire accroire vne. Ils sont
 grands, ie l'aduoue, & puissants, qui le peu-
 nier ? Mais toute ceste grandeur & puis-
 sance n'estant qu'une reflexion & depen-
 dance de l'autorité absoluë du Roy, n'a
 qu'autant de force qu'elle se trouue con-
 ioincte & vnue à son principe. Separez l'en
 tant soit peu dans la croyance du peuple,
 ce n'est plus ce que c'estoit; il n'y reste rien
 plus que l'image & le nom. Je croy qu'ils

ne trouueront pas mauuais qu'on le leur die, & qu'ils ne desireront iamais de faire paroistre leur credit & pouuoir par les ruynes & desolations publiques de leur patrie. Ils sont trop bons François, ils sont trop sages, ils craignent trop Dieu, ils respectent trop le Roy. Et quand après mille longues & perilleuses traueses, mille frasques, & autant de malheurs, la faueur extraordinaire de la fortune, qui peut beaucoup en la guerre, les auroit contre l'apparence esleuez au dessus de sa rouë, & rendus les maistres, qu'auroient ils aduancé pour cela la France seroit elle espurée de tous ces abus, de toutes ces corruptions contre lesquelles ils crient si haut ? he ! qu'ils se trouueroient bien loin de leur compte. Car qu'auroient ils fait autre chose qu'au lieu de les corriger, les multiplier & accroistre sans y penser ? Ce seroit comme qui pour eslaguer quelques vieux & inutiles drageons d'un arbre, auroit mis la coignée au pied, comme qui pour purger vne maison de quelque mauuais air, auroit attaché le feu aux quatre coings & au milieu. Ils se plaignent du mauuais menage des finances ; laissons ce qu'on peut

respondre à cela sans les offencer; vn chacun le sçait; Car à qui ne sont cogneuës les grandes & extraordinaires despences auxquelles la necessité pressante des affaires a obligé leurs Majestez depuis le decez lamentable de feu Henry le Grand? Nous en auons veu vne partie, l'autre, qui est la plus grande, demeure cachee en la cognoissance de ceux qui manient les ressorts secrets de ce grand balancier. Ceux là en rendroient, comme ie croy, fort bon compte, s'il estoit besoin que ce qui se faict pour tous, se sçeut aussi de tous. A quoy si on adiouste la diminution des charges en beaucoup d'endroits, telle que nous ne pouuons nier sans beaucoup d'ingratitude, on sera peut estre contrainct de confesser qu'il n'y a pour ce regard là, pas tant à reprendre comme on pense. Mais quand il y auroit dix fois plus d'excez qu'il n'y en a eu, il en faut tousiours reuenir là, que c'est vn tres-dangereux moyen de les regler que la guerre. Car pour quelque million possible qui se pouuoit à leur iugement employer en choses plus vtiles, il en eust fallu despendre dix, à quoy faire? à ruyner tout, à renuerser tout, à perdre tout. On sçait

ce que coustent les armées à entretenir. Il n'y a mines ny espargnes, ny thresors qu'elles n'espuisent dans peu de temps. Quand le Cert du Palais seroit, suyuant l'intention de ce Nonjant qui le fit dresser tel que nous le voyons auourd'huy, tout d'or massif, ie ne sçay si au bout de quatre années de la guerre dont on parloit, il en fust resté de quoy faire curee à vne leuee de Suisses affamez. Nos peres ne l'ont que trop souuent essayé. Car de là sont venus les engagements du domaine, de là les cruës, les aydes & les nouuelles impositions sur le peuple, qui s'en est quelquefois ressenty plus de quarante ans apres. De sorte que de luy vouloir faire accroire que c'est pour son bien & pour son soulagement qu'on arme, c'est temps perdu. On a beau luy parler de reformation, de descharge, de reglement, s'il voit seulement tirer vne espee la dessus, il n'en veut point à ce prix. Il a esté si souuent pipé & bercé de ces mots dorez, qu'il les prend pour autant de pieges en toute autre bouche que celle du Souuerain. Pour la Iustice, si la corruption du temps, ou la necessité des affaires, à laquelle la sagesse commande souuen t de ceder,

là souillée de quelques taches, comme c'est chose à nostre grand regret que nous ne pouuons gueres bien nier, quiconque me pourra persuader que la violēce armee soit vn moyen propre & conuenable pour luy rēdre sa face & pureté premiere, me persuadera tout ce qu'il voudra. Ie n'excepte riē, pour si estrange & si exorbitāt qu'il soit. Car quelle apparence que celle de qui le propre officen'est autre que de rendre à vn chacun ce qui luy appartient, se maintiēne ou se restablisse par la fureur & rage de ceux qui ne recognoissent autre loy que la force, autre iuge que l'espee? Parler ieule-
ment en ces faisons là d'vn adiournement personnel, ou de l'execution d'vn arrest, est vn cas preuostable. Et sans s'estendre en plus lōgues preuues, tant de graces, tant de remissions, tant d'abolitions qui remplissent d'ordinaire les sieges de Iustice apres vne guerre, tesmoignent assés combiē peu de force elle a eu durant tout le temps auquel ont esté commis les crimes pour lesquels on les demāde. On blasme la venalite profuse des offices, ie ne la deffends point, & peu de gens se trouueront quelque interest qu'ils y ayent, qui le facent; mais qui est

celuy si peu versé aux affaires de la France, qui ne scache qu'elle n'a esté premièrement introduite que pour soustenir les despêces excessiues de la guerre: il n'y a pas encore si long temps. Car auparauant, ces choses sacrees ne tomboient point en commerce entre nous, & la vertu, la probité, l'erudition, n'estoient point encore parties casuelles. Qu'on iuge la dessus si du mesme lieu d'ou est venu le mal, pourra proceder le remede. Je laisse les autres moindres desordres & abus fort particulièrement spécifiés dans la lettre escripte de Mezieres à la Reyne. De tous lesquels il suffira de dire en bloc, que s'ils sont tellement enracinés par la longueur du tēps en la deprauatiō vniuerselle de nos mœurs, qu'on ne les en puisse arracher que par des remedes pires que les maux mesmes dont ils pourroient estre cause, il vaut mieux attendre avec patiēce ce biē du ciel, & practiquer cependant le vieux mot, qui deffend de remuer le mal biē placé. Fermōs donc ce discours, comme nous l'auons commencé, que toutes partialités & diuisions intestines ne pouans estre que rui-neuses & funestes à ceux entre lesquels el-

les s'engendrent, nous auons a loüer grandement, premieremens la prouidence de Dieu, protecteur de ceste monarchie, qui nous en ostant le desir de la volonté, nous a osté les armes du poing, & puis la preuoyance de la Reyne, qui cōtinuant le soin qu'elle à tousiours eu de cest estat durant sa Regence, à pour faire cesser les causes ou les pretexts qu'on prēd de nos desordres, arresté vne assemblee d'Estatz. De laquelle, si selon l'obligation de nos consciences, nous y apportons vne aussi droicte & sincere intention que sa Majesté, nous ne pouuons tous en general attendre a l'aduenir, qu'avec ceste plus souhaitee iusqu'à cest heure, qu'esperée reformation, autant de contentement, de soulagement & de bien, que la guerre vne fois ouuerte nous eust peu apporter d'incommodité, de misere & de ruine.

